

ԴՐԱՍԽԱՆԱԿԵՐՏԻ ՏԵՂԱԴՐՈՒԹՅԱՆ ՀԱՐՑԻ ՇՈՒՐՁ

ԺՈՐԵՍ ԽԱԶԱՏՐՅԱՆ

Դրասխանակերտի տեղադրության հարցը շատ ուսումնասիրողների է հետաքրքրել: Այն տեղորոշվել է տարբեր վայրերում: Վերջին տեղը, որը նույնացվում է Դրասխանակերտի հետ, 1989թ. Ախուրյանի շրջանի Բենիամին գյուղի մերձակայքում պեղվող մեծ բնակավայրն է, որը թվագրվում է մ.թ.ա. VIII– մ.թ. IV դդ.¹: Այն համարվում է Երվանդունիների և Արտաշես I-ի մեծ դաստակերտը, այսինքն՝ Վդ. Դրասխանակերտը, որը Տրդատ III կողմից 325 թ. Կամսարականներին տրվելուց հետո դարձել է նրանց նստավայրը: Նման եզրակացության հանգեցրել համար հեղինակին հիմք է ծառայել Մովսես Խորենացու վկայությունը. «Յայնմ ժամու և ազգային նոցա Կամսար մկրտի իւրայովքն հանդերձ ի ձեռն մեծին Գրիգորի արքայի ընդունելով ի ջրոյն՝ տայ նմա ժառանգութիւն զմեծ դաստակերտն Արտաշիսի, որ այժմ ասի Դրասխանակերտ, և զգաւառն Շիրակ, որպէս ազգականի իւրում և մտերիմ հարազատի»²: Կամսարի մահից յոթ օր անց, Տրդատը նրա մեծ որդուն՝ Արշավիրին մխիթարելու համար հոր անունով նրանց նախարարների շարքին է դասում և նոր նվերներ տալիս «... զքաղաքն Երուանգայ և զնորին գաւառն մինչև ցկատար ձորոյն մեծի»: Արշավիրը այդ դավառը իր անունով կոչում է Արշարունիք, որը մինչ այդ կոչվել էր Երասխաձոր: Այս հաղորդումից չի երևում, թե մեծ Դաստակերտ-Դրասխանակերտը Շիրակում է գտնվել, այլապես նա չէր առանձնացնի այդ երկուսն իրարից: Խորենացին հետագայում, Արշակի կողմից Արշակավանի վրեժը լուծելու կասկածներով համար, երբ ընաջնջվեց Կամսարականների ցեղը, նշում է միայն վերջիններիս նստավայր Երվանդաշատ քաղաքը և Արտագերս ամրոցը, որոնց վրա աչք էր գրել Արշակը, ինչպես նաև Նախճավան դյուղը, որտեղ ամբարված էին նրանց մթերքները³:

Ի՞նչ է նշանակում Դրասխանակերտ բառը: – *Kert* բաղադրիչով ավարտվող տեղանուններ Հայաստանում շատ կան⁴: Մեծ Դաստակերտ-

1 Ф. Тер - Мартirosян. Памятник классической античности Армении. – Вестник Ереванского университета, 1993, N3, с. 59-72; Ф. Тер - Мартirosов. Ширак в эпоху классической античности. – Научные труды. Вып II, Гюмри, 1999, с. 46.

2 Մովսէս Խորենացի. Պատմութիւն Հայոց (Քննական բնագիրը եւ ներածութիւնը Մ. Աբեղեանի եւ Ս. Հարութունեանի): Նմանահանութիւն: Լրացումները Ա. Սարգսեանի. Երևան, 1991, II, 2 (90), ծան. Դրասհոնակերտ, Դրասհինակերտ:

3 Նույն տեղում, III, ԼԱ (31):

4 Նույն տեղում, III, ԼԲ (32):

5 А. Г. Периханян. Материалы к этимологическому словарю древнеармянского языка. Ч. I. Ереван, 1993, с. 32; Խուրեան Վարդանյան. Կերտ վերջավորության տեղանունների ժամանակագրության շուրջը: Գիտական աշխատություններ, II, Շիրակի հայագիտական հետազոտությունների կենտրոն. Գյումրի, 1999, էջ 127-131:

Դրասխանակերտի հիմնադրումը Ա. Գ. Փերիխանյանը վերագրում է Երվանդունիներին: Արամեերեն արձանագրություններում Արտաշեսն իրեն անվանում է Երվանդական: Դրասխանակերտ-Դրասհինակերտ-Դրասհոնակերտը Ա. Գ. Փերիխանյանի ստուգաբանությունում Drš-+hvan-, Drš – նշանակում է հայացք, hvan – արև, արևանման հայացքով օժտված: Դրասխան – Drshan հայերեն բառի կազմությունը, աչքի և արևի նույնացումը ցույց է տալիս հնգիրանցիների մոտ երեակայական մակդիրի բացակայությունը: Այդ մակդիրի արմատները շատ ավելի հին են և ներկայացնում են աչքի, որպես տեսնող օրգանի, կասլը երկնային լուսատուի հետ: Ինչպես Վահագնի ծննդի առասպելում. «և ի բոցոյն վազէր խարտեաչ պատանեկիկ. նա հուր հեր ունէր, ապա թե բոց ունէր մօրուս, և աչկունքն էին արեգակունք»⁷: Աչքը առասպելական խորհրդանիշ է, կապված մոգական ուժի հետ, որի շնորհիվ աստվածը կամ առասպելական անձը ընդունակ էր անտեսանելի մնալով տեսնել (հունական Աիդ): Շատ աստվածներ օժտված էին սարսափեցնող հայացքով, որին սովորական մահկանացուները չէին դիմանում⁸: Հայացքի մոգական ուժի, վատ աչքի, մահաբեր հայացքի մասին առասպելական պատկերացումները զարգացում են ստանում բանահյուսությունում մեջ: Ուշագրավ է Մովսես Խորենացու վկայությունը Երվանդի չար աչքի մասին. «Բայց ասեն զերուանդայ՝ ըստ հմայից դժնեայ գոլական հայեցուածով. վասն որոյ ընդ այգանայ աչալըջացն սովորութիւն ունել սպասաւորացն արքունի՝ վէմս որձաքարեայս ունել ընդդէմ Երուանդայ և ի հայեցուածոցն դժնութենէ ասեն պայթել որձաքար վիմացն: Բայց այս կամ եղիցի սուտ և առասպել, և կամ դիւականս ինչ առ իւր ունել զօրութիւնս, զի այսպէս հայեցուածոցն անուամբ վնասեսցէ զորս կամի»⁹: Այսինքն շեշտվում են Երվանդի աստվածային ծագումն ու զօրությունը:

Դրասխանակերտը հիշատակում է նաև Եղիշեն, կապված Վարդանանց, Հայոց պատերազմի հետ. «... գուժկան հասանէր յաշխարհէն Հայոց, զճակատ հարեալ և զօճիս պատառեալ վասն ասլստամբին Վասակայ. «Յետս կացեալ յուխտէն քրիստոնէութեան և աւերեալ զբազում տեղիս Հայոց աշխարհին, մանաւանդ զձմերոցս արքունի, որ կայանք զօրացն էին, զԳառնին և զԵրամանս և զԴրասխանակերտն՝ զմեծ դաստակերտն, զամուրն Օշական, զՓառախոտն, զԱրդեանսն, զՁողակերտն աւան և զբերդն Արմաւրի, զԿուաչն աւան, զԱրուճն, զԱշնակ և զամենայն ոտն Արագածու, և զնահանգն Արտաշատու և զԱրտաշատն ինքնին գլխովին, և զամենայն գեւզս և զաւանս, որ շուրջ զնովաւ էին, առեալ աւերեալ և հրձիգ արարեալ, և զամենեցուն ձեր զընանիս փախուցեալ մերժեալ յիւրաքանչիւր բնակութենէ»¹⁰: Երվանդ Տեր-Մինասյանը Եղիշեի աշխարհաբար թարգմանությունում մեջ գրում է, որ հիշյալ ձմեռոցներն ու զորակայանները մեծ մասամբ հայտնի անուններ են, ինչպես Գառնին, Երամոսը, Օ-

6 А. Г. П е р и х а н я н. Նշվ. աշխ., էջ 32–34:

7 Մ ո վ ս ե ս Խ ո Ր Ե ն ա Յ ի, I, ԼԱ (31):

8 Мифы народов мира. Энциклопедия, т. I, М., 1987, с. 306-307.

9 Մ ո վ ս ե ս Խ ո Ր Ե ն ա Յ ի, II, ԽԲ (42):

10 Եղիշեի Վասն Վարդանայ եւ Հայոց պատերազմին (հրատ. պատրաստելը և նսխարանը Ե. Տեր-Մինասյանի). Երևան, 1957, III, էջ 78-79:

չականը, Արմավիրը, Կուլաչ-Կոչ ավանը, Արուճը և Աշնակը, Արագածոտն գավառը, Արտաշատը, իսկ Դրասխանակերտը, Վարդանաշատը, Փառախոտը, Ցուլկերտը, Աարդեանքը հայտնի չեն¹¹: Արդեանքը (Սարդեանք) հիշատակվում է նաև Փավստոս Բուզանդի մոտ, Պապի օրոք Դղակ մարդպետի դավաճանության և սպանության առիթով¹²: Հ. Տեր-Պողոսյանը ենթադրում է, որ Արդեանք արքունի գյուղը պետք է լինի Իդրիրը, որի մոտ, Արարատի ստորոտին, ժայռի վրա մի մեծ ամրոց կա¹³: Այսինքն, Արդեանքը, Փառախոտը և Ցուլկերտը գտնվում են Արաքսի աջ ափին, Արմավիրի դիմաց: Այրարատը, ինչպես Երվանդունիների, Արտաշեսյանների և Արշակունիների ժամանակ, այնպես էլ մարզպանական Հայաստանի քաղաքական ու վարչական կենտրոնն էր «տուն Արքունի» կամ «ոստան Հայոց»-ը: Այրարատը եղել է թագավորական, նաև մարզպանական զորամասերի ձմեռանոցը, վերոհիշյալ, ստրատեգիական տեսակետից կարևոր ամրոցները «կայանք զօրաց» հիմնականում տեղորոշվում են այստեղ¹⁴: Հ. Տեր-Պողոսյանը Վարդանաշատը տեղադրում է Անբերդում, գտնելով, որ հետագայում Վարդանաշատ անունը փոխարինվել է Անբերդով: Նա Դրասխանակերտը տեղադրում է Օշականի և Երամոնսի միջև, Աշտարակի տեղում: Վերջինս համարում է, որ Աշտարակը Դրասխանակերտի այսօրվա անունն է¹⁵: Հ. Հովհաննիսյանը, համաձայն չլինելով վերոհիշյալ կարծիքի հետ, չի կոնկրետացնում Դրասխանակերտի տեղը¹⁶: Ըստ Ա. Մաթևոսյանի, Եղիշեի հիշատակած Գառնին և Արամոնքը (Արամուս), Դրասխանակերտը, Վարդանաշատը և Օշականը, Փառախոտը, Արդեանքը (Իդրիր), Ձողակերտը և Արմավիրը, Կոչը¹⁷, Արուճը և Աշնակը եղել են չորս մեծ ստրատեգիական միավորներ, որը հուշում է Եղիշեի շարադրանքը. 1) Դառնի-Արամուս, 2) Դրասխանակերտ-Վարդանաշատ-Օշական, 3) Փառախոտ-Արդեանք-Ձողակերտ-Արմավիր, 4) Կոչ-Արուճ-Աշնակ: Դրասխանակերտը, ըստ նրա, Աշտարակն է, բանասիրական տեսանկյունով: Վերջինիս և Օշականի միջև միայն Ոսկեվաղ-Վարդանաշատը կարող է լինել¹⁸: Մյուս ուսումնասիրողները չկոնկրետացնելով գտնվելու վայրը նշում են, թե Դրասխանակերտը Այրարատում է¹⁹: Ա. Երեմյանը «Հայաստանը և հարևան երկրները 591-

11 Եղիշեի Վարդանանց Պատմությունը (Թարգմ. և ծանոթ. Ե. Տեր-Մինասյանի). Երևան, 1958, ծան. 99:

12 Փավստոսի Բիզանդացույ Պատմությունը Հայոց (բնագիրը Բ. Պատկանյանի, Թարգմանությունը և ծանոթ. Ստ. Մալխասյանցի). Երևան, 1987, V, 2 (6):

13 Հ. Պ. Տեր-Պողոսյան. Տեղագրական հետազոտություններ Հայաստանի քանի մը քաղաքներու և բերդերու մասին. Վիեննա, 1951, էջ 50-59: Հ. Մ. Յոզանյան. Հայաստանի բերդերը. Վենետիկ, Ս. Ղազար, 1970, էջ 829: Հ. Ս. Հովհաննիսյան. Ուղեգրություններ. հ. Ա, ԺԳ-ԺԶ գար (1253-1582), Երևան, 1932, էջ 110:

14 Հայ ժողովրդի պատմություն (այսուհետև՝ ՀԺՊ). հ. II, Երևան, 1984, էջ 116:

15 Հ. Պ. Տեր-Պողոսյան. նշվ. աշխ., էջ 50-59: Հ. Մ. Յոզանյան. նշվ. աշխ., էջ 813, 818:

16 Հ. Մ. Յոզանյան. նշվ. աշխ., էջ 819:

17 Սասանյան գերություններից վերագառնալուց հետո, կուրացած Տիրան թագավորը թողնում է գահը և գնում է բնակվելու Կուլաչ (Կոչ) ավանում:

18 Արտաշես. Մաթևոսյան. Դրասխանակերտի խորքից. «Գիտություն և տեխնիկա», 1986, N3, էջ 30, 32:

19 Սուքիաս. Էփրիկյան. Պատկերազարդ բնաշխարհիկ բառարան. հ. 1, Վենետիկ, Ս. Ղազար, 1902, էջ 394: Թ. Խ. Հակոբյան, Ստ. Տ. Մելիք-Բախչյան, Հ. Խ. Բարսեղյան. Հայաստանի և հարակից շրջանների տեղանունների բառարան. հ. 2, Երևան, 1988, էջ 150: Հայկական սովետական հանրագիտարան, հ. 6, Երևան, 1980, էջ 558: Հ. Ս. Հովհաննիսյան. Դրասխանակերտից. Հայոց պատ-

653թթ» քարտեզում Դրասխանակերտը տեղադրում է Արաքսի վրա և Արտաշատ մայրաքաղաքից հարավ, «Հայաստանը և հարևան երկրները 855–953 թթ» քարտեզում՝ Արտաշատի և Դվինի միջև, իսկ «Հայաստանը X դ. վերջին և XI դ. սկզբին» քարտեզում՝ Արտաշատից հյուսիս, Արաքսի վրա²⁰: Հովհաննես Դրասխանակերտցին (840–850 թթ. – 929թ.), անվանի պատմագիրն ու կաթողիկոսը (898–929թթ.), սովորել է Սեանա կղզու դպրոցում IX դ. հայ միջնադարյան մշակույթի և հոգևոր նշանավոր դեմքերից մեկի՝ Մաշտոց եղվարդեցու մոտ: Վերջինս Արագածոտն գավառի եղվարդ գյուղի Գրիգոր քահանայի որդին էր²¹: Մաշտոցը 860 թ. Սեանա կղզում դպրոց է բացում, 897–898թ. (7 ամիս) դառնում է կաթողիկոս, և մահից հետո թաղվում է Գառնի ամրոցում: Հովհաննես Դրասխանակերտցին իր Հայոց պատմության մեջ նշում է, որ ինքը Մաշտոց եղվարդեցու ազգականն է. «Զի թէսլետ և յաշակերտութենէ առն սրբոյն Մաշտոցի ի մանկութենէ իմմէ՝ այլ և ազգակից հարազատութեան նորա ըստ մարմնոյ»²²: Հովհաննես Դրասխանակերտցին եղվարդն անվանում է մեծ դաստակերտ, իսկ Արուճը՝ դաստակերտ, Գրիգոր Մամիկոնյանի կողմից այդ վայրերում եկեղեցի կառուցելու կապակցությամբ²³: Նա նշում է նաև, որ ինքը «մի ամրոցիկ» ունի Բյուրականում, և գյուղում կառուցել է եկեղեցի (ս. Հովհաննես, X դ.): «Եւ դարձեալ չու յուղի անկեալ չոգաք մինչև ի ձեռակերտ ամրոցիկն իմ Բիւրական, զոր ստացեալն էր իմ գանձի գնոյ, ուր և շինեալ յարդարեալ իսկ էի եկեղեցի հաստահեղոյս կոփածոյ քարամբք պերճապաճոյճ պճնողութեամբ և նկարակերտ յօրինուածով՝ և վանս կուսակրօն միանձնացելոց զնա հաստատեալ»²⁴: Այսինքն, Դրասխանակերտը, եղիշեի նշած հերթականության և վերը բերված տվյալների համաձայն, պետք է փնտրել Այրարատ աշխարհի Արագածոտն գավառում, Երամոնս-Արամոնքի (Արամոնս) և Վարդանաշատի ու Օշականի միջև ընկած տարածքում, եղվարդի շրջակայքում: Տեղին է հիշել, որ «արքունի ձմերոցը» չէր կարող լինել ցուրտ տեղերում, բարձունքների վրա: Դրանք պետք է լինեին բարեխառն, մեղմ կլիմա ունեցող վայրերում: Եղիշեի հիշատակած «արքունի ձմերոցները» բոլորն էլ գտնվում են դաշտավայրում կամ նախալեռնային շրջաններում: Այսինքն, մեծ դաստակերտ-Դրասխանակերտը չէր կարող լինել Շիրակում, առավել ևս Բենիամինում: Դրասխանակերտում պետք է լիներ միջնադարյան բնակավայր, շերտ, որը Բենիամինում բացակայում է:

Մեծ դաստակերտ-Դրասխանակերտը, ինչպես վերը նշեցինք, որոշ գիտնականներ տեղադրում են Աշտարակում: Գր. Ղափանցյանը Աշտարակ («բուրգ») անունը կապում է փյունիկյան սիրո աստվածուհի Իշտարի

մություն (աշխարհաբար թարգմանությունը և ծանոթագրությունները Գ. Թոսունյանի). Երևան 1996, էջ 368: Հ. Հյուսիսյան. Հին Հայոց տեղա անունները (Թարգմ. հ. Բ. Պրեզիդենտի). Վիեննա, 1907, էջ 338:

20 ՀԺՊ, հ. II, քարտեզներ: ՀԺՊ, հ. III, Երևան, 1976, քարտեզ: ՀՍՍՌ Աղյուս. Երևան-Մոսկվա, 1961, էջ 105:

21 «Սա է ի տոհմէ քահանայական, ի գեղջէն եղվարդայ, ի ժառանգայ մենաստանաց, որ անուամբ սրբոյն Թէոդորոսի էր»: Հայերեն ձեռագրերի հիշատակարան, Ե-ժԲ դդ., աշխատասիրություններ Ա. Ս. Մամիկոնյանի. Երևան, 1988, էջ 40-43 (Մաշտոց):

22 Հովհաննես Դրասխանակերտցի, էջ 186-187:

23 Նույն տեղում, էջ 94-95, 198-199:

24 Նույն տեղում, էջ 336:

անվան հետ²⁵: Աշտարակում հայտնաբերվել են բրոնզի և երկաթի դարաշրջանների նյութեր, այն հարուստ է նաև միջնադարյան հուշարձաններով: Բերդաթաղում «եղել է ամրոց, որի մնացորդները դարասկզբին տեսել է Թորամանյանը»²⁶: Ըստ Ն. Մառի, նախաքրիստոնեական շրջանում, Աշտարակում եղել է վիշապ-օձերի պաշտամունքի վայր, որի վրա հետագայում կառուցվել է եկեղեցի²⁷: Հ.Մանանդյանը ենթադրում է, որ Աշտարակը Պևտինդերյան քարտեզի Արտաշատ-Սեբաստոպոլիս ճանապարհի վրա գտնվող հաջորդ *Strangira*²⁸ (*Ra Stranguria*) կայանն է: Աշտարակ անունը հիշատակվում է «Կարմրավոր» եկեղեցու (VII դ.) շինարարական արձանագրության մեջ²⁹, իսկ ձեռագիր աղբյուրներում այն հիշատակվում է IX դարից³⁰:

Այսինքն, Աշտարակը կարող էր համարվել մեծ դաստակերտ-Դրասխանակերտը, եթե դրան չխանգարեր վերոհիշյալ Աշտարակ անվան հիշատակությունը: Այլապես, Հովհաննես Դրասխանակերտցին կկոչվեր Աշտարակեցի: Աշտարակը, այդ վայրի ուշ շրջանում տրված անունը լինելու վերոհիշյալ վարկածը նույնպես մեզ համոզիչ չի թվում:

Կարելի է ենթադրել, որ մեծ դաստակերտ-Դրասխանակերտը Դովրին է: Վերջինս գտնվում է Եղվարդից 4–5 կմ դեպի հյուսիս, Արա լեռան արևելյան կողմում, հարթության մեջ վեր բարձրացող բլրի վրա³¹: Պեղումներով հայտնաբերված նյութերը վկայում են, որ Դովրին, այդ թվում նաև ամրոցը, բնակեցված են եղել դեռևս վաղ բրոնզի ու վաղ երկաթի դարաշրջաններում: Ուրարտական շրջանում այստեղ կառուցվել է բազալտ քարով շարված հզոր ամրոց, որը վերակառուցվել է և փոփոխությունների ենթարկվել անտիկ շրջանում: Դովրին բնակեցված է եղել նաև միջին դարերում: Այն հարուստ է միջնադարյան պաշտամունքային և բնակելի շինություններով³²: Այսինքն, Դովրին իր դիրքով ու ամրոցով կարող էր լինել դաստակերտ-Դրասխանակերտը, գորակայանը: Դրասխանակերտը

25 Г. А. К а п а н ц я н. Историко-лингвистическое значение топонимии древней Армении. — Историко-лингвистические работы (ИЛР). Т. II, Ереван, 1975, с. 141.

26 Թ. Թ ո ռ ա մ ա ն յ ա ն. Նյութեր հայկական ճարտարապետության պատմության. Հ. 2, Երևան, 1948, էջ 116:

27 Н. Я. М а р р. Легенды об основании Куара в Армении и Киева на Руси. — Известия государственной Академии истории материальной культуры. Т. III, Л., 1924, с. 278.

28 Я. А. М а н а н д я н. О торговле и городах Армении в связи с мировой торговлей древних времен. Ереван, 1954, с. 154.

29 Г. А. К а п а н ц я н. Аштаракский говор. — ИЛР. Т. II, с. 430, ссылака 1.

30 Ղ. Ա լ ի շ ա ն. Այրարատ բնաշխարհ Հայաստանեայց. Վենետիկ, 1890, էջ 185:

31 Գ. Ա ո ե չ յ ա ն, Կ. Ղ ա ֆ ա դ ա ղ յ ա ն, Հ. Ս ր ս ո ս յ ա ն, Ի. Տ ր - ր ա ց յ ա ն, Ա. Ք ա լ ա ն թ ա ղ յ ա ն. Հնագիտական հետազոտություններ Հայկական ՍՍՀ Աշտարակի և Նաիրիի շրջաններում, — «Լրաբեր Հաս. գիտ.», 1977, № 4, էջ 89: Գ. Տ ի Ր ա ց յ ա ն, Ս. Հ մ ա յ ա կ յ ա ն, Կ. Ղ ա ֆ ա դ ա ղ յ ա ն, Գ. Ս ա Ր Գ ս - յ ա ն, Ռ. Վ ա Ր դ ա ն յ ա ն. Դովրի ամրոցի պեղումները (1979-1980թթ.), ՀՍՍՀ-ում 1979-1980թթ. դաշտային հնագիտական աշխատանքների արդյունքներին նվիրված գեկուցումների թեզեր. Երևան, 1981, էջ 12: Ս. Հ մ ա յ ա կ յ ա ն. Դովրի 1989-1990թթ. ուսումնասիրության արդյունքների ու նշանագրված անոթների մասին, ՀՀ 1989-1990թթ. դաշտային հնագիտական աշխատանքների արդյունքների թեզիսներ. Երևան, 1991, էջ 58-60:

32 Ս. Հ մ ա յ ա կ յ ա ն. Նշվ. աշխ., էջ 58-60:

Դովրիում տեղադրելը չի հակասում նաև Եղիշեի թվարկած զորակայանների հերթականությանը և մոտ է Եղվարդին: Դրասխանակերտի տեղադրության հարցի պարզաբանմանը կարող է նպաստել Դովրիի, և մինչև Օշական ընկած տարածքի հուշարձանների ուսումնասիրությունը: Այրարատում անտիկ և միջնադարյան ամրոցներ ու բնակավայրեր շատ կան: Եղիշեն նշել է միայն համապետական նշանակություն ունեցող ամրոցները: Նրա թվարկած բոլոր ամրոց-զորակայանները, որպես հարմար ստրատեգիական վայրեր, ամրացված են եղել ուրարտական և ավելի վաղ շրջաններում: Այսինքն, դրանք այդ գարաշրջաններում նույնպես եղել են Արարատյան դաշտը շրջապատող ստրատեգիական ամրոց-բնակատեղիներն ու զորակայանները: Ինչ վերաբերում է մեծ դաստակերտ-Դրասխանակերտը Կամսարականների նստավայր լինելուն, հայտնի է, որ IV դ. Կամսարական նախարարական տոհմի կենտրոնը, Երվանդունիների նստավայր Երվանդաշատն էր, իր քաղաքային տերիտորիայով և Արշարունիք գավառով:

Ֆ. Տեր-Մարտիրոսովին, ըստ երևույթին, Դրասխանակերտը Բենիամինի հետ նույնացնելուն նպաստել է նաև Շիրակավանում (տուֆից) և Բենիամինում (կրաքարից) հայտնաբերված երկուական, վերևում եռատամ, գեպի ներքև նեղացող կոթողները, որոնք պոչի մասով հագցվել են քառանկյուն պատվանդանի մեջ³³: Հայտնի է, որ Հայաստանի Հանրապետության տարբեր շրջաններից հայտնաբերվել են 12 այդպիսի կոթողներ, որոնք իրենց վրա կրում են Արտաշես I-ի արամեերեն արձանագրությունները: 'Իրանք վերաբերում են գյուղում և գյուղերի միջև հողաբաժանություն կատարելուն'³⁴: Այսինքն, Արտաշես I-ը հողային ռեֆորմ, աշխարհագիր է անցկացրել և սահմանաքարեր կանգնեցրել, որի մասին վկայում է Մովսես Խորենացին. «... Արտաշեսի, հրամայեց զսահմանս գիւղից և ագարակաց որոշել քանզի բազմամարդացոյց զաշխարհս Հայոց, եկամուտս բազումս ածելով ազդս, և բնակեցուցանելով ի լերինս և ի հովիտս և ի դաշտս: Եւ նշանս սահմանացն հաստատեաց այսպէս. հրաման տալով քարինս կոփել չորեքկուսիս, և պնակաձև փոսել զմէջսն, ծածկելով յերկրի. և չորեքկուսիս ի վերայ յարուցանել ամբարտակս, սակաւ ինչ բարձրագոյն յերկրէ»³⁵:

Ֆ. Տեր-Մարտիրոսովը գտնում է, որ Շիրակավանի և Բենիամինի անարձանագիր սահմանաքարերը պատկանում են Արտաշես I-ին: Դրանք տվյալ դեպքում, ըստ նրա ցույց են տալիս, որ այդ բնակավայրերը Արտաշեսին են և Շիրակավանը արտաշեսյան սահմանաքարերի պարաստման

33 Ֆ. Տեր-Մարտիրոսովյան. Անտիկ Շիրակավան.— «Գիտություն և տեխնիկա», 1984, № 7, էջ 51, ն ու յ ն ի՝ Памятник..., с. 66—67; ն ու յ ն ի՝ Ширак в эпоху..., с. 39; Ф. Тер-Мартirosов, Г. Караханян. Раскопки поселения и некрополя античного Ширакавана.— "Научные труды", вып. 1, Гюмри, 1998, с. 18.

34 Г. А. Тирацян. Еще одна арамейская надпись Арташеса I, царя Армении.— Вестник древней истории, М., 1980, № 4, с. 99-104; Գ. Տիրացյան. Արտաշես I-ի ևս մեկ նորագյուտ արամեական արձանագրություն.— «Պատմա-բանասիրական հանդես», 1977, № 4, էջ 254-259, Г. Х. Саркисян. О провинциях и провинциальных канцеляриях древней Армении.— Древний Восток и мировая культура, М., 1981, с. 98-102; А. Г. Периханян. նշվ. աշխ., էջ 6-7:

35 Մովսես Խորենացի, II, ԾԶ (56):

Շիրակի կենտրոնն է: Եթե ընդունենք, որ հեղինակը ճիշտ է, այդ դեպքում, ինչպե՞ս բացատրել երկուական սահմանաքարերի առկայությունը: Մի՞թե մի կոթողը բավարար չէր իմանալու համար, որ Շիրակավանը կամ Բենիամինը թագավորինն են:

Ընդհանրապես, աշխարհագիր անցկացվում էր, երբ իշխանություն էին գալիս նոր դինաստիաներ, օտար տիրապետություն կամ երբ տեղի էր ունենում տնտեսական աճ, որը նպաստում էր ազգաբնակչության աճին, կամ տեղի էին ունենում այլ փոփոխություններ և այլն³⁶: Աշխարհագիր անցկացնելիս հաշվառվում էին մշակվող հողերի և գյուղատնտեսական մշակույթի տեսակները: Դրանց գրանցումը տեղի էր ունենում ըստ վարչական բաժանման միավորների՝ գավառների³⁷: Ըստ Պլինիոս Ավագի, Մեծ Հայքը բաժանված է եղել 120 ստրատեգիաների³⁸: Այս տերիտորիալ բաժանումը վերաբերում է Արտաշեսյանների, ավելի ճիշտ Արտաշես I-ի ժամանակաշրջանին: Ընդունված է, որ պատմականորեն ժառանգված 120 ստրատեգիաները և միջնադարյան աղբյուրներում հիշատակվող գավառները կապված են իրար հետ: «Աշխարհացոյց»-ում (VII գ.) գավառների թիվը 198 է (198:120): Արտաշեսյան սահմանաքարերի արամեերեն արձանագրությունների ուսումնասիրությունից պարզվել է, որ դրանք պատկանում են չորս խմբի: Ըստ հայտնաբերման վայրի, սահմանաքարերը ընդգրկվում են «Աշխարհացոյց»-ում նշված հինգ-վեց գավառ և ենթադրվում է, որ այդ չորս խումբը ներկայացնում է Արտաշես I-ի շրջանի չորս վարչատարածքային միավոր: Այսինքն, մ.թ.ա. II դ. բացի թագավորական կենտրոնական գրասենյակից, եղել են նաև գավառական գրասենյակներ³⁹:

261–293 թթ. Հայաստանի պարսկական մասում 32 տարի անընդմեջ «Հայաստանի մեծ թագավոր» տիտղոսով կառավարում են Որմիզդ-Արտաշիրը (261–272 թթ.), նրա որդի Որմիզդակը (273–276 թթ.) և Ներսեսը (276–293 թթ.): Որմիզդ-Արտաշիրը մի շարք միջոցառումներ է անցկացնում, աշխարհագիր է կատարում, վերանայում է երկրի կալվածքների սահմանները, կարգավորում հարկային համակարգը: Ուստի փոփոխվում են Արտաշեսի ժամանակաշրջանի սահմանաքարերը և կանգնեցվում են նորերը, որոնք կոչվում են «Արտաշիրական»⁴⁰: Տրդատ III-ը, երբ վերականգնեց Արշակունիների իշխանությունը, միավորեց Հայաստանը և 298 թ. Հետո նոր աշխարհագիր անցկացրեց, նախարարական իշխանությունների նոր վերաբաժանում կատարեց: Նախարարների տեղաշարժը նոր կալվածքներ, նույնպես կապված էր աշխարհագրի հետ: «Արտաշիրական» սահմանաքարերը փոխարինվեցին նորերով⁴¹: Տրդատի կողմից Կամսարականներին տարածքներ նվիրելու խորենացու վկայությունից բացի, մենք ունենք մի փաստ ևս: Տրդատ III-ի Ապարանի հունարեն արձանագրության համաձայն, նա Գնթունիների տոհմի իշխաններից մեկին կալվածքներ

36 Ս. Ս. Երեմյան. Հայաստանը ըստ «Աշխարհացոյցի»-ի. Երևան, 1963, էջ 21-23:

37 Նույն տեղում, էջ 21-23:

38 P l i n i u s. Nat. hist., VI, 9-10; Ս. Ս. Երեմյան. նշվ. աշխ., էջ 21: Գ. Խ.

С а р к и с я н. նշվ. աշխ., էջ 100–102:

39 Գ. Խ. С а р к и с я н, նշվ. աշխ., էջ 102:

40 ՀԺՊ, II, էջ 49-52: Մ ո վ ս ե ս խ ո Ր Ե ն ա ց ի, II, ՀԷ (77):

41 ՀԺՊ, II, էջ 52, 70-71:

է նվիրում Նիգ գավառում⁴²: Սակայն նախարարների տերիտորիաները որքան էլ փոփոխութեան ենթարկվեին, գավառը մնում էր որպես առանձին միավոր:

«Աշխարհացոյցում» թվարկվող գավառները, ինչպես վերը նշեցինք, 198 են, որոնք մտնում են 15 նահանգների մեջ: Այստեղ մանրամասնորեն ներկայացված է Արշակունիների ժամանակաշրջանի Հայաստանի քաղաքական ու վարչական բաժանումը, որը վկայում է, որ հեղինակի ձեռքին, հավանարար, եղել են IV դ. առաջին քառորդի աշխարհագրի տվյալները⁴³: Դրանք սովորաբար պահվում էին արքունի դիվանում, նախ Արտաշատում, այնուհետև Դվինում, հազարապետի իրավասութեան տակ⁴⁴:

Ինչպես տեսնում ենք, Արտաշեսի հողային ռեֆորմից հետո կատարվել են մի շարք աշխարհագրեր և կանգնեցվել են նոր սահմանաքարեր: III դ. երկրորդ կեսին և IV դ. առաջին կեսին ավատական կարգերը ընդհանրապես առաջադիմել էին և նոր աշխարհագիր անցկացնելիս, նոր պայմաններին համապատասխան, մասնատվել են տարածքային միավորները, և դրանց հիմքի վրա ձևավորվել են նախարարական (ֆեոդալական) տիրույթները⁴⁵: Անհայտ է, սակայն, նոր կանգնեցված սահմանաքարերն արձանագիր են եղել, թե՛ ոչ: Համենայն դեպս դրանց ձևը պետք է նման լիներ Արտաշեսյան կոթողներին, որովհետև արքայի անունից էին կանգնեցվում: Կարծում ենք, Շիրակավանի սահմանաքարերը Արտաշես I-ին վերագրելն անհավանական է: Հավանարար, դրանք Տրդատ III-ի աշխարհագրի ժամանակ դրված սահմանաքարերն են, երբ տարածքը Կամսարականներին նվիրվեց:

К ВОПРОСУ ТОПОГРАФИИ ДРАСХАНАКЕРТА

ЖОРЕС ХАЧАТРЯН

Резюме

Вопрос топографии Драсханакерта интересовал многих исследователей. Ученые локализируют Драсханакерт в разных местах древней Армении. В последние годы высказывалось мнение, по которому Драсханакерт идентифицируется с поселением, раскапываемым в районе Ахуряна недалеко от селения Бениамин (VIII в. до н. э. — IV в. н. э.). Драсханакерт был большим дастакертом при Ервандидах и Арташесе I, затем Трдат III передал Драсханакерт Камсараканам, которые сделали его своей резиденцией. На основании первоисточников показано, что поселение Бениамин не могло быть Драсханакертом — «Царской зим-

42 Հ ա կ ո թ Մ ա ն ա ն դ յ ա ն. Քննական տեսութիւնն Հայ ժողովրդի պատմութեան. Հ. Բ, մասն Ա, Երևան, 1978, էջ 126: М. Р о с т о в ц е в. Апаранская греческая надпись царя Трдата. СПб., 1911, с. 28; Ա. Տ. Երեմյան. Նշվ. աշխ., էջ 22: 43 Ա. Տ. Երեմյան. Նշվ. աշխ., էջ 22-23:

44 Նույն տեղում, էջ 20-21, К. П. П а т к а н о в. Армянская география VII века. СПб., 1877, с. 42, прим 150.

45 Ա. Տ. Երեմյան. Նշվ. աշխ., էջ 23:

ней резиденцией” и стоянкой войск, а также резиденцией Камсараканов. Такое поселение-резиденция должно было находиться на территории с умеренными климатическими условиями, а главное, при раскопках должен был раскрыться средневековый слой этого поселения. Учитывая эти обстоятельства, а также перечисленную очередность царских стоянок у древнего историка Егише, мы предполагаем, что Драсханакерт мог быть расположен на территории недалеко от Егварда в Доври, крепости-поселении. Однако, для полного изучения и освещения этого вопроса необходимо исследовать памятники, находящиеся в районе от Доври до Ошакана. Утверждается, что арташесовские межевые камни, найденные в Ширакаване и Бениамине, были поставлены там впоследствии в период правления Трдата III.

TO THE QUESTION OF TOPOGRAPHY OF DRASKHANAKERT

ZHORES KHACHATRYAN

S u m m a r y

On the ground of known sources a trial is made to show that Benjamin couldn't be Draskhanakert— the “Royal wintering”, the army station and the residence of the Kamsarakans. It could be Dowri or another site in the territory between Aramus and Oshakan. Both of the borderstones (stellae) of Shirakavan and Benjamin, ascribed to Artashes, have been put afterwards in the times of Tiridates III.